

Namminersornerullutik Oqartussat kommunini il.il. suliaasaqarfutaasa kukkunersiorneqartarnerat pillugu Namminersornerullutik Oqartussat nalunaarutaat

Kommunalbestyrelsit, nunaqarfinni aqutsisut il.il. pillugit Inatsisartut inatsisaanni nr. 20-mi 3. november 1994-imeersumi Inatsisartut inatsisaatigut nr. 6-ikkut 12. juni 1995-imeersukku allanngortinneqartumi § 48 tunngavigalugu kommunit naatsorsuutaanni Namminersornerullutik Oqartussat kontuisa kukkunersiorneqartarnerat pillugu makku aalajangersarneqarput:

§ 1. Kukkunersiuinermi aningaasartuutit isertitallu kommunip utertitatut tapiissutitullu

Namminersornerullutik Oqartussanit tigusartagai imaluunniit kommunip Namminersornerullutillu Oqartussallu akornanni akileeqatigiissutigineqartartut allat tamarmik kukkunersiuinermi ilaatinneqarput.

§ 2. Naatsorsuutit pissusiviusunik ilumut takutitsisuunerat, aningaasanik ingerlaatsitsinerit

naatsorsuutini saqqummiussinermi ilaatinneqartut aningaasaliissutinut, inatsisinut maleruaqqusanullu allanut ilumut naapertuuttuunersut kukkunersiuinermi paasinianeqartassaaq, matumani

Namminersornerullutik Oqartussat kontulersuinermit ilitersuutaasa kiisalu isumaqatigiissutaasimasut nalinginnaasumillu periusaasartut ilumut malinneqarnerisa paasinianeqarnerat ilanngullugu eqqarsaatigalugu.

Imm. 2. Ukiup ingerlanerani kukkunersiuinermit atatillugu angalanerani kommunip suleriaasii, kommunip iluani nakkutillineq suliaasaqarfinnilu susassaqaarfiusuni sulianik ingerlatsineq kukkunersuiusut misissuiffigisassavaat, matumani qarasaasianik ingerlatseriaatsit atorneqartut ilumut toqqissisimanartuunersut misissorneqarnerat ilanngullugu eqqarsaatigalugu.

§ 3. Namminersornerullutik Oqartussat eqqarsaatigalugit akiliisitsiniarnerit akiliisarnerilluunniit

kommunit nalunaarsuutaannut utertitsinermiluunniit qanoq amerlatigisut akilerneqartarnissaannik

aalajangersakkanut isumaqatigiissutaasunulluunniit ilumut naapertuuttuunersut kukkunersuisut

misissortassavaat. Aammattaaq Namminersornerullutik Oqartussanut ilumut ingerlaavartumik

akiliisitsiniartoqarlunilu akiliisoqartarsimanera kukkunersuisut misissortassavaat, matumani periutsit

eqqortumik piffissakkaanut agguataarinermik qulakkeerisut ilumut pilersinneqarsimanerat ilanngullugu eqqarsaatigalugu.

§ 4. Suliaasaqarfinni Namminersornerullutik Oqartussat kontuini inuit ataasiakkaat aqqi atorlugit

naatsorsuusiortiusuni, imaluunniit utertitsissutit, tapiissutit allatigulluunniit akiliutit inuit aqqi

tunngavigalugit kommunit naatsorsuutaannut allatorneqarfini kukkunersuineq inuit ataasiakkaat

pillugit suliaasat naleqquttumik amerlassusillit tigulaariffigalugit kukkunersiorneqartarnerisigut

ingerlanneqartassaaq.

Imm. 2. Imm. 1 tunngavigalugu kukkunersiuqassanik tigulaarinnermi inuit ataasiakkaat pillugit suliassat nutaat aalajangersimasunik amerlasasusilinnik naliliinikkulluunniit amerlassusilikkanik pisartagaqalersivisusimasut immikkut pingaartillugit isiginiarneqartassapput. Aammattaaq tigulaariffigisassanik immikkoortitsinnermi pingaaruteqarnerisuiineq aallaavigineqartassaaq, tassanilu pissutsit aningaasaqarnermut, suliassanik suliarinninnermut, aalajangiinerni pingaaruteqartutut tunngaviusut najukkaniluunniit pissutsinut tunngassuteqartut aallaavigineqartunut ilaatinneqarsinnaallutik.

Imm. 3. Suliassaqarfiit innuttaasut aningaasaqarnerannik tunngaveqarpata suliassap pilersinneqarnerani pisariaqarneralu naapertorlugu suliassap malinnaavigineqarnerani paasissutissat aningaasaqarnermut tunngasut oqartussanit allanit ilumut pissarsiariniarneqartarsimanersut kukkunersuiusut misissortassavaat.

Imm. 4. Suliassat suliarineqarnernerini oqartussat aalajangiisussaataasut naammagittaalliuuteqartarfillu tunngaviusumik aalajangigaat isiginiarneqartarsimanersut kukkunersuiusut misissortassavaat.

Imm. 5. Akiliisitsiniarneq pillugu suliassani tamanna pillugu inatsisit aqutsinermulu allaffissornikkut maleruaqqusat malillugit ilumut akiliisitsiniartoqartarsimanersooq kukkunersuiusut misissortassavaat. Tamatumunnga atatillugu pisassarisanik akilersinniarneqarsinnaajunnaarsimasunik kommunip annaasatut isumakkeerinerani maleruaqqusat atorneqarsimasut kukkunersuiusut naliliiffigisassavaat.

§ 5. Namminersornerullutik Oqartussat suliassaqarfiutaanni ukiumoortumik naatsorsuutiniq nassiussisoqartarnissaanik aalajangersaaviususimasuni naatsorsuutit taakku ilumut kukkunersiorneqarsimanerat kukkunersuiuerullu kukkunersuiinnermi pitsaasumik ileqqulersornissaq naapertorlugu ingerlanneqarsimanera pillugit kukkunersuiusut oqaaseqaataannik ilaqartinneqartassapput.

§ 6. Kukkunersuiusut oqarpata aningaasat utertillugit akiligassanngorlugit kukkusumik nalunaarutigineqarsimasut, amerlavallaanik tapiissuteqartoqarsimasooq imaluunniit kukkusumik akiliisitsisoqarsimasooq, aningaasani kingusinnerusukku utertillugit akiliutigineqartussatut nalunaarutigineqartut tapiissutitut allatulluunniit akiliutitut ilumut tunniunneqarsimanissaat kukkunersuiusut misissortassavaat.

§ 7. Kommunip naatsorsuutaanik allanik kukkunersuiineq pillugu nalunaarutip saqqummiunneqarneranut atatillugu kingusinnerpaamillu tamatumunnga peqatigitillugu nalunaarut manna tunngavigalugu kukkunersuiineq pillugu immikkut nalunaarusiaq saqqummiunneqartassaaq.

Imm. 2. Nalunaarummi tassani kukkunersuiineq ingerlanneqarsimasooq pissutsillu oqaaseqaateqarsimanermut pissutaasutut pingaaruteqartut aamma nassuiaammi ilanngunneqartassapput. Pissutsit tunngaviusumik aningaasaqarnermulluunniit pingaaruteqartut kukkunersuiusut immikkut oqaatigineqartariaqartutut pissutissaqartitaat nassuiarneqartassapput, matumani malittarisassat atuuttut qanoq paasineqarnissaannik nassuiaaniarnermi nalornisooruteqarfusut ilanngullugit eqqarsaatigalugit.

Imm. 3. Nalunaarummi tassani § 4 tunngavigalugu tigulaaraluni misissuinerup annertussusia misissuinermilu paasisat nassuiarneqartassapput.

Imm. 4. Nalunaarut taanna kukkunersuiinerup kukkunersuiinnermi ileqqorissaarnissaq naapertorlugu ilumut ingerlanneqarsimanera pillugu kukkunersuiusut oqaaseqaataannik ilaqartinneqartassaaq.

§ 8. Nalunaarut § 7-imi taaneqartoq kukkunersuiusut oqaaseqaataannut pisariaqarpat akissutiniq ilaqartillugu kommunalbestyrelsip Namminersornerullutik Oqartussani Qitiusumik

Naatsorsuuserisoqarfimmut nassiutissavaa. Atortussat taakku kalaallisuui danskisuuilu tamaasa immikkut marlunngorlugit nassiunneqartassapput. Tamatumunnga peqatigitillugu kukkundersiuisut oqaaseqaataannut akissuteqaateqartoqassappat akissuteqaatit kukkundersiuisunut nassiunneqassapput. Atortussat taakku kommunip naatsorsuutasa kukkundersiorneqarnerat pillugu nalunaarutip il.il. Kommunit Nakkutilliisoqarfiannut nassiunneqarneranut atatillugu kingusinnerpaamillu tamatumunnga peqatigitillugu nassiunneqartassapput.

Imm. 2. Kukundersiueq pillugu nalunaarutit Namminersornerullutik Oqartussanit misissorneqartassapput isummerfigineqartassallutillu. Tamatuma kingorna apeqqutit utertitsilluni akiliinermut, tapiissutinut akiliutinulluunniit allanut pingaruteqartut kiisalu misissuineq tunngavigalugu ilitersuusiariqarsimasumut tunngasut Namminersorlutik Oqartussat apeqqutigissavaat.

§ 9. Nalunaarut manna tamanut ilisimatitsissutigineqarnermini 1. januar 1999 aallarnerfigalugu atuutilerpoq.

Namminersornerullutik Oqartussat, ulloq 23. August 1999.

Jonathan Motzfeldt

/

Solja í Ólavsstovu

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

